

李慧玲倒米：「選人」不利己

自爆「關鍵議席」呃市民 「獨」師「讚」搗醒盲粉



主流反對派個個都話撈工黨李卓人參加立法會九龍西補選，你估真係個個都咁掛佢咩？網台「D100」主持人李慧玲日前嚟個先挫後揚嘅方式想幫李卓人拉票，但點知一個唔覺意講多咗，變咗倒李卓人米，直言呢一席「唔關鍵」，都做唔到反對派所謂「守住議會」嘅效果，「係咪多咗李卓人呢一席就會守得住廿三條呢？係人都知道唔係啦！」中大「獨」講師劉正亦喺facebook出文話李慧玲呢番說話「好似國王的新衣個細路咁」，「傻嘅都知選唔選李卓人入去個議會根本唔會有分別，仲講呢套說話嘅，唔係蠢過隻豬嘅港豬，就係有心洗腦呃人嘅壞人。」

■香港文匯報記者 甘瑜

劉正日前喺個fb專頁「無神論者的巴別塔」出咗個題為《當李慧玲都醒覺關鍵一席原來係呃人》嘅post，再貼咗一小段李慧玲嘅節目內容出嚟。片中李慧玲一開頭就評論反對派呢場選戰嘅套路，話佢哋成日打「關鍵一席」呢張牌，話要「守住議會、守住關鍵一席」，「其實我認為呢樣嘢市民係唔Buy（受落）嘅。」

稱議規已修改 李入會都無用

李慧玲好坦誠咁繼續話，根本呢一席「一啲都唔關鍵」，因為立法會議事規則要改嘅都改唔到，就算畀李卓人入到議會，都改變唔到咩嘢，基本法二十三條要立法，佢都改變唔到。佢仲話，根本覺得小麗老千（劉小麗）一開始就唔應該放棄上訴，話有人期望見到咁樣一場補選㗎。

不過，講到最後李慧玲就話鋒一轉，話呢一票係一個「公投」，但劉正就有再播落去，轉而講自己嘅睇法。劉正形容，李慧玲「呢段說話就好似國王的新衣個細路咁」，一巴攞埋去班開口埋口話咩嘢「關鍵一席」、「香港人唔輸得所以一定要選『飯（泛）民』」嘅人度，「但事實上卻係，傻嘅都知選唔選李卓人入去個議會根本唔會有分別，仲講呢套說話嘅，唔係蠢過隻豬嘅港豬，就係有心洗腦呃人嘅壞人。」

至於李慧玲最後轉口風，劉正都食住佢公投個勢話：「今次1125補選，的確

係一次公投，但唔係你大口玲講果（囑）堆乜×『市民對政府信唔信任』、『反唔反對廿三條』、『守唔守護庫房』、『等政府驟（掉）忌咗唔敢亂黎（嚟）』果（囑）堆人唔笑狗都吠嘅說話，而係對呢班個個月返九萬六、會又唔開票又唔投，甚至支持修改議事規則、支持港澳撥款，然後去到投票日卻呃你佢會『守護香港』嘅政棍嘅一次公投！」

劉正越講越激動，繼續話：「『飯（泛）民』成日嘲笑『本土派』投白票、投廢票無×用，今次投票，就係話比（界）呢班拉×攞聽，唔係老奉幫你含×，仲未放下心理包袱就投馮檢基，決心焦土嘅投陳凱欣，咪比（俾）飯（泛）民再呃票，就係咁！」

佢嘅篇文又提到，其實李慧玲、李卓人班人當年都反對「五區公投」，「如果呢個真係一個變相公投，唔該李慧玲公開就自己過往立場公開道歉先！」

網民感震撼「終於講真話」

唔少網民都對李慧玲嘅坦誠感到震撼，「Garrison Tong」驚歎：「玲姐顯靈呀！」「Ching Ching」亦話：「終於講真話。」

有人就形容呢番說話係「打定敗選預防針」，咁又係，連自己友都忍唔住盡訴心中情，真係有啲影響力㗎。

立法會九龍西補選候選人仲有陳凱欣、馮檢基、伍迪希、曾麗文。



■李慧玲（右）倒米。

網上圖片

賣工人妄搶票 sell 溫情得啖笑

立法會九龍西補選候選人李卓人從政咁多年，選戰打到咗家都終於擺返舊史出嚟講，但似乎佢都唔記得咗好多舊史㗎。李卓人前日喺facebook出文，話自己40年嚟與基層同工人同行，仲貼埋自己當年預住個女爭取男士侍產假，似乎想打溫情牌。不過提起工人，就有李卓人出賣工人嘅事實，講起屋企人，都有佢為家人以權謀私嘅指控，打呢啲牌係咪打錯咗㗎？

李卓人喺佢篇文度，形容自己當年大學畢業，大好前途，但最終都決定要「為窮人爭取」，於是就開始同基層、工人同行，「一起改寫命運」咁話。但聲稱自己同基層工人用12年「爭取最低工資」，當年又同碼頭工人、扎鐵工同行等等，今次參選要為基層、「民主派」、下一代「背水一戰」。

鬧撤對沖自擱 涉利益送親友

佢仲貼埋自己當年預住個兩歲女去遊行嘅相出嚟，話自己1992年上街爭取男士侍產假，最擺佢係睇到自己廿幾年前嘅相，就當自己係後生仔，為自己冠以「年青『人』」嘅形容，再懶係潮咁話：「係乜野（嘢）驅使你放棄專業發展，半生為基層打拼（拚）啊？」其實夠薑咪認老囉。

不過，李卓人係咁講，事實又係咪咁



李卓人貼文硬銷溫情。fb截圖

為工人呢？眾所周知，當年佢自己一邊爭取取消強積金對沖，但自己遣散職員時正正用咗對沖方法，當時已經俾社會狠批佢帶頭剝削工人，佢自己對件事都係直認不諱㗎。係咪同基層工人同行呢？大家心中有數㗎。

至於屋企人方面，佢就真係對屋企人幾好㗎。職工盟幾年前曾經俾人踢爆租用獨立屋做培訓中心，但原來違反地契，佢因此蝕咗百幾萬之餘，佢被揭發中心嘅行政總裁就係李卓人姨仔，而佢老婆就係職工盟總幹事，真係好「一家親」㗎，財政仲好神秘㗎。

不過，李卓人當年就話呢啲報道係「抹黑」㗎，相信大家都自有公論㗎。

■香港文匯報記者 甘瑜

欣訪黃埔深水埗 各界力撐投實幹



■陳凱欣獲梁美芬、葛珮帆、鄭泳舜和多名當區區議員及地區領袖等為她站台。fb圖片

香港文匯報訊（記者 何西）立法會九龍西補選候選人陳凱欣昨日繼續連跑多區，先後到深水埗及黃埔多個地點拉票。多名與她「由朝踩到晚」的跨界別領袖大讚她十分能幹，強調立法會需要一個真正做實事、理性議政的立法會議員，呼籲選民在本月25日投票日，將寶貴一票投給陳凱欣。

陳凱欣昨日的拉票行程由深水埗保安道街市開始。她在食物及衛生局前局長高永文、工聯會會長吳秋北以及多名社區幹事陪同下擺街站，向街坊講解自己的理念。

她其後轉往深水埗排檔及元州鄉繼續接觸不同街坊，除了有高永文和吳秋北外，還有民建聯立法會議員鄭泳舜、多名區議員及社區幹事為她站台，齊齊為她打氣。

陳凱欣之後馬不停蹄前往黃埔擺街站，經民聯立法會議員梁美芬、民建聯立法會議員葛珮帆、鄭泳舜和多名當區區議員及地區領袖等均為她站台。

EQ跨區支持 盼陳晉身議會

葛珮帆（EQ）表示，自己特意跨區前



■陳凱欣昨日夥同高永文、吳秋北以及多名社區幹事擺街站。fb圖片

來支持好朋友陳凱欣，因為立法會乃至整個香港都需要建設力量，需要一個真正做實事、理性議政的立法會議員進入議會。她強調不能再讓更多人進入議會內拉布，為反而反，否則只會「反轉香港」。

葛珮帆希望陳凱欣能進入立法會，增強建設力量，為香港的未來有更好的建設發展。她指香港有很多重要事要做，包括拚經濟、改善民生等，而每一件事都要有理性的代議士將聲音帶入議會，為市民發聲。她呼籲九龍西的各位要全家總動員，為陳凱欣投下寶貴一票。

梁美芬表示，昨日有很多人都特意跨區前來支持陳凱欣，可見為了建設香港，大家一定要團結一致。她強調陳凱欣是唯一一個建設力量跨黨支持的候選人，並期望她能夠當選，為九龍西增添一名實幹、為民做事的議員。

鄭泳舜指，距離投票日倒數只有3周，相信陳凱欣的團隊必定會把握僅餘的時間全力以赴，爭取更多市民的支持。他認為只有團隊的努力並不足夠，呼籲大家要叫更多親朋戚友支持陳凱欣，讓議會多一份務實的聲音。

鄭美雲：凱欣善良有智慧

陳凱欣再獲重量級人馬支持。港區全國人大代表鄭美雲近日為她拍片打氣，並大讚她充滿正能量與智慧，絕對是九龍西選民最佳的選擇，期望她未來能成功晉身立法會，呼籲大家11月25日記得支持陳凱欣。

陳凱欣昨日在facebook發佈帖文與影片，分享鄭美雲為她拍片打氣。在影片中，鄭美雲表示自己因社企的工作而認識到陳凱欣，而兩人亦會經常一同想辦法將社企的服務做得更好。她指，在工作的過程中能看出陳凱

對手踩場即譴責 同道擾敵扮無知



■曾麗文「勇武」毀宣傳牌。短片截圖

今次立法會九龍西補選反對派選戰打得核突就係人都見，先有工黨李卓人同馮檢基為咗「初選」一事互相指責，噉日公民黨為李卓人造勢時，另一候選人曾麗文就現身踩場，大鬧李卓人做「李呃人」，兼整爛佢個宣傳牌。李卓人話，自己唔會追究曾麗文，但就譴責對方「政治暴力」㗎。咦，咁又唔見佢譴責不停嘅另一候選人陳凱欣街站度鬧事，但就幫李卓人拉票嘅「人民力量」快必譴得志嘅？

曾麗文本身都冇乜人關注，但佢噉日踩場仲破壞李卓人橫額後，即時獲廣泛報道。話說李卓人噉日嘅美孚造勢，一向以美孚為地盤嘅曾麗文就企睇李卓人面前。李卓人一度想用自己個巨型宣傳牌擋住曾麗文，曾麗文就一手搶走，仲唔小心整崩個角，現場即時嘩嘩聲，曾麗文就一鼓作氣搗爛對手個宣傳牌，咁就咁咁今次九西補選以嚟最「勇武」嘅一件事㗎。

曾麗文就不斷大噏，話李卓人係「李呃人」、「出賣美孚人」，結果一班李卓人支持者對佢指手畫腳，場面都有啲牙煙。

李卓人事後就對傳媒話，自己唔會追究曾麗文，但就譴責對方「政治暴力」，仲話文明選舉，有咩應該「攤出來傾」，唔好滋擾其他人㗎。講就咁講，咁之前撐李卓人嘅快必去陳凱欣街站到搞事，話陳凱欣團隊班人係「黑工」、「大陸人」，叫佢哋「快啲跳大媽舞」，仲問人哋「你仲有冇大嬢媽呀？」嘅時候，又唔見李卓人出嚟譴責快必滋擾候選人同「政治暴力」嘅？

■香港文匯報記者 甘瑜



■香港文匯報記者 鄭治祖

克勤讚動力 稱職惠民生

民建聯立法會議員陳克勤昨日為陳凱欣拍片打氣，並大讚她實幹、動力、講道理，絕對能做一個稱職的立法會議員。

陳凱欣昨日在facebook發佈帖文與影片，分享陳克勤為她打氣的短片。陳克勤說，在陳凱欣還是食物及衛生局政治助理時已經認識她，認為她是實幹、動力、講道理的人。

他又指，一般人或許以為政助游說議員投票時只會又纏又拉，但陳凱欣卻會將整個政策細說，同時告知支持動議背後的原因與理念，就政府的政策建議爭取不同議員的支持。

陳克勤認為選一個能代表自己的議員，最重要的是要市民能找得到，又能幫到市民解決問題，做到實事的人。他相信陳凱欣能為九龍西的居民發聲，為大家爭取權益，呼籲大家11月25日支持陳凱欣。

■香港文匯報記者 何西

主播形象入屋 市民欣賞成熟

香港文匯報訊（記者 鄭治祖）陳凱欣任主播的形象十分入屋，就連當時負笈海外的學子也成為其粉絲。市民盧先生特意出鏡支持陳凱欣，大讚她即使面對沙士疫症仍能冷靜報道，印象深刻，希望她進入立法會後能如做記者時一樣用心、賣力。

越洋知港事 全「欣」你賣力

陳凱欣日前在facebook分享了盧先生為她打氣的影片。盧先生在片中憶述，陳凱欣任職傳媒時，他正在外國讀書，一直

留意香港新聞，而陳凱欣很快成為最吸引香港同學目光的人：「那時家人也會寄一些香港的錄影帶給我看，影帶內節目與節目之間有新聞報道，就是那時候我留意到陳凱欣。當時看到她報道新聞很賣力，在那麼多年輕報道員中，她算是很突出。」

盧先生坦言，沙士期間是很悲痛的情況，但陳凱欣也如實報道了當時發生的情況，他希望對方能把這份精神帶入立法會，「這次再遇到她，我覺得她多了一份成熟感人，不是外表的成熟，而是內心的成熟。」



■盧先生特意出鏡支持陳凱欣。

影片截圖

他續說，希望陳凱欣能把這一份成熟，以及獲跨界別、跨階層支持的力量，可以在立法會把建制派和反對派拉到一起，「看她能否做到這個角色，我希望她能做到！」



■鄭美雲為陳凱欣拍片打氣。fb截圖

欣是個充滿正能量與智慧的人，經常面帶笑容，是個很善良的好女孩。

■香港文匯報記者 何西